

# उपनिषद्

## विषय-सूची

विनती	...	...	....	७
समाज का कवि से	...	...	...	१०
चन्दनसिंह का समाज से	...	...	...	१२
द्वितीय घण्ड	...	...	...	१७
कुन्दसिंह	...	...	...	१९
नौकर मालिक	...	...	...	२१
तिलोकी के पिता	...	...	...	२६
कुन्दनसिंह	...	...	...	३२
समुवाँ	...	....	....	३३
कवि	...	...	...	३४
कुन्दनसिंह	...	...	...	३६
कवि	...	...	...	३८
देश पर्वत का अन्तर	...	...	...	४२
पर्वतों में धर्म	...	...	...	४७
ग्रकाव-मकाव	...	...	...	४८
जागेरी जत्तरा	~~	...	...	५४

1000



कवि चन्दनसिंह मनराल

## लेखक

जल थल सब जग हरि जी की माया,  
कलमें कागज मजि सुलेख कै दिया ।  
ईश्वर भगवान तुमूँ है जया दयाल,  
काटी दियो पहाड़क सब दुख जाल ।  
भवानी दाहिनी और सिद्धि का गणेश,  
दयालु ब्रह्मा और विष्णु महेश ।  
दया तुमूँ करी दियो पर्वतों पर,  
तुमरी भक्ति कुला नाम हरी हर ।  
इन्द्रा जी समय पर वर्षा बरसाओ,  
सतसील पर्वतों क अकाव मिटाओ ।  
भूमियाँ जी तुमूँ हया भूमिका मालिका,  
कलियुग मजि हई अवतारा कालिका ।  
तुमूँ हैबै अलाचार मैं है गोयू काफी,  
पर्वतों बिपत काटो मैं माँगनूँ माफी ।  
सूरज भगवान तुमूँ प्रकाश डाओ,  
सतसील पर्वतों के रसिक बनाओ ।  
विष्णु अवतार हया राम भगवान,  
कृष्ण जी पहाड़ हो है गोछा हैरान ।

( ५ )

कृष्ण जी तुमू लै कै पर्वतों पूजा,  
पर्वत वासी हैगी हैरान हो आजा ।  
हृदय में बैठी जये सरस्वती माई,  
बिध्न कैं टाईला हो गणेश सहाई ।  
धन धन महादेव शिव भगवान्,  
आधिला लेखण मैंकैं दिया वरदान ।  
धन लक्ष्मी तेरी य माया अपार,  
धन सदा नी रहय काकी लेकी घर ।  
लक्ष्मी माया मेरी दया करी दिये,  
मूर्ख य मन म्यर उज्याला करिये ।  
खाली लोभ लालचारे दुनियाँ य मरी,  
दुनियाँ में कैलै नीपै महिमा य तेरी ।  
तुम सब भाई हैंगी बिनती य मेरी,  
घमन्ड नी कण चैन केले बात पारी ।  
नी करनी चैनी काकै बात घमन्ड की,  
दुनियाँ में एकनसी नीलहै सदा काकी ।  
जो कुछ गलती हली माफ करी दिया,  
बातों मतलब कणीं दिलम धरिया ।  
पढ़नेर पढ़ी लिया धरी बटी ध्यान,  
सुण नेर सुणी लिया लगे बटी कान ।

पत लेखी नोट कुन्तुँ मैं सही लेखनुँ  
     अल्मोड़ जिल मजि पालि-पद्धुँ रहन्तुँ ।  
 मनराल जात मेरी चन्दनसिंह नौँछा,  
     पट्टी तल्ला सल्ड माजि दरमोली गौँछा ।  
 चन्दनसिंह नाम म्यर गुसाँई जी कनी,  
     गुसाँई गुसाँई कबै भौत पुकारनी ।  
 समाज कौ बीच बैठी बिचार धरूला,  
     ध्यान धरी सुणी लिया सब नन ठुला ।  
 क्वे म्यर बिचार देखी नक हो मानल,  
     इधर-उधर मेरी बुराई करल ।  
 उनरी ले फिरी मैंकें नी हतिनी डर,  
     समाज कैं समझणे हई रे फिकर ।  
 क्वे म्यर बिचार देखी भल हो मानिला,  
     किताब कैं पढ़ी सुणीं औरों कैं समझिला ।  
 भूली गई तिजारत काम ले खेतीक,  
     सबूँका मनम ध्यान हैगो नौकरीक ।  
 नौकरी खराफ चीज सब लोग कनी,  
     भूली जानी सब फिरी नौकरी करनी ।  
 कसीं छुटी नौकरी लै कनी सब लोग,  
     फिरींले नौकरी मजि लेई लीनी जोग ।

( १० )

खेती पैदावरी बात ननों के सुनानी,  
बुजरखों मेहनत बहुत बतानी ।  
खेती भर बुजरखों समझानीं सुख,  
नौकरीक ननों करणीं फ़िरी दिनी दुख ।  
सब बातें मालूम हो सबूँ करणी हई,  
खेती मेहनत अब सब भूली गई ।  
नौकरीमा हई गोछा अब सबूँ ध्यान,  
खेती मेहनत हुणी है गई अज्ञान ।  
सहायता करो अब बिषणु भगवान्,  
खेती की मेहनत मजि लगे दियो ध्यान ।

### समाज

आओ कवि चन्दनसिंह और हो सुनाओ,  
दिल्लिमा नौकरी कैसी सब लेखी जाओ ।  
तुम्हूँ नौकरी कहै सब किसकी,  
भली भान्ति लेखी दियो नौकरी घरूँकी ।  
आजकल छौट नन देश नैहै जानी,  
क्या तरह काम यूँता दिल्लिमा करनी ।  
नौकरी का हाल तुम खूब लेखी दिया,  
यस बुजरखों करणी समझे हो दिया ।

( ११ )

जो हमर बुजरख छौट ननों करणी,  
देश मजि भेजी दिनी नौकरी कुहुणी ।  
इस्कूल नी पढ़ना ननों कैं आपण,  
देश में जो भेजी दिनी कमाई करण ।  
तब तुमूँ लेखी दियो नौकरी वरमा,  
इस्कूल पढे दी जो ननों कैं घरमा ।  
और समझाई दियो यस ननों करणी,  
जो जानी इस्कूल छोड़ी नौकरी कुहुणी ।  
इस्कूल हुएणी भेजा जो यूँ भाजी जानी,  
दिल्ली की रटन करणी मनम धरनी ।  
दिल्ली की नौकरी हाल लेखी द्यला जब  
इस्कूल पढ़णमा ध्यान दिला तब ।  
यस सेणीं करणीं तुम और समझाओ,  
समझाई खेती सुख याद हो दिलाओ ।  
दिल्ली की रटन करणी जो सेणीं सोचनी,  
दिल्ली आनूँ दिल्ली आनूँ मालिका हैं कनी ।  
दिल्ली जब नी लीगया नी करन काम,  
घर बैठी बैकारक करनी बदनाम ।  
नौकरी का लेखी दियो अब सब हाल,  
देश पहाड़क बीच करी दियो ख्याल ।

( १२ )

देश पहाड़ा अन्तर सब लेखी दिया,  
अकाव सकाव किलै सब बतै दिया ।

जागेरी जत्तरा अब बहुत हो हनी,  
दुखिया मुन्डिया हम देवता छूँ कनी ।

इन सब बातों कणी अब लेखी जाओ,  
भुलिया पहाड़ सुख यादम दिलाओ ।

### चन्दनसिंह

किलै कँछा भल मैंसो मैंहैं ऐसी बात,  
कवि नाम पुकारी बै करँछा रजित ।

कभणीक कवि छूँ मैं कभणी लेखक,  
समाज कै समझणी कभणी सेवक ।

नानी छा अकल मेरी नानी हुई बुद्धि,  
लेखी दिनूँ मने बात जो बिचार सुद्धी ।

गलती क्वे हिला जब नक नी मानणा,  
नानी छा अकल मेरी नान समझणा ।

क्या लेखूँ नौकरी हाल क्या लेखनूँ कुछ,  
समाज कै देखी बेर दिल म्यर तुच्छ ।

नौकरी का हाल भया आगिन लेखनूँ,  
बुजरखों हुणी मैं य विनती करनूँ ।

( १३ )

ध्यान धरी तुम सब सुगाँे बुजरक  
च्यल लै नी हरा चैन अनपढ़ काक ।  
ननों करणी पढ़े दिया इस्कूल छैं पास,  
नौकरी का यूँ हाल हो तब लेख खास ।  
माँ बाप यूँ घर करणी नन दिल्ली भेजा,  
हई गोछा कनी च्यला हमुँ करजा ।  
माँ बाप यूँ घर करणी नन दिल्ली रैनी,  
दिल्ली दुख घर बत्ती कसिका देखनी ।  
आपण माँ बापों करणी दया हो नी हई,  
छौट नन आपण यूँ दिल्ली भेजी दई ।  
दूसरा माँ बाप उती क्या भल मानिला,  
छौट ननों हैंती काम दिन रात लीला ।  
छौट ननों कमाईलै कर्ज कसी कमा,  
इस्कूल पढ़े दिया ननों के घरमा ।  
इस्कूल पढ़े दिया नों के आपण,  
पढ़ने पढ़ने फिरी है जानी सयांण ।  
हई गोय च्यल ठुल नी रैनी फिकर,  
चाहै ऊ जथें ले जालौ रहलौ निडर ।  
नौकरी ले करौ जब काम करौ भल,  
मार धीट धाँस लीवे नीडर रहल ।

( १४ )

भौत बात क्या लेखनूँ समझी हो जया,  
ननों करणी इस्कूल जरूर पढ़ा ।  
छोट भाई मुण्णी लिया तुम्हूँ के बनानूँ,  
कुन्दनै इस्कूल बात जरा लेखी दिनूँ ।  
छोट छी कुन्दन जब बोज्यू मरी गया,  
वक पार्जन भार ढुल दद हया ।  
भौत भल गुण हया दाज्यू का अन्दर,  
बहुत हो दया कनी ऊँ ओकी ऊपर ।  
कुन्दना दाज्यू का गुण काँ तक लेखनूँ,  
दया देरवी कुन्दने की प्रणाम करनूँ ।  
उकणी पढ़णे मजि दाज्यूक छी ध्यान,  
कुमति उदिन आई आज छा हैगन ।  
आठवीं कलास तक इस्कूल पड़,  
दिल्ली वालों ठाट देखि मन चौकी पड़ ।  
आधिन पढ़णे लीजी दाज्यू मन हय,  
कुमति उकणी आई नी पढ़न कय ।  
दाज्यूला पढ़णे लीजी भौत समझाय,  
नी जाले इस्कूल जब मारी ढिला कय ।  
बचपन बती कभै उनुलै नी मारी,  
नी पढ़न क्या करण मनम ली ठारी ।

( १५ )

बचपन पत्ती कोंछी दाज्यूक ऊ मान,  
इस्कूल पढ़लम क्य श्रपमान ।  
तब जैसी आज भौत पछताँण ला रय,  
दाज्यू बातों करणी याद करण लै रय ।  
नकलिया ठाट बाट दिल्ली लौँझ हया,  
दिल नो चहकाणों भया इस्कूल पढ़िया ।  
इस्कूल पढ़ी बत्ती सुख भौत हुँछा,  
इलाक या दुनियाँ में महान बनुँछा ।  
ग्रन्थ बनुँछा जब सब समझानूँ,  
संशेप में तब जैसी समझाई दिनूँ ।  
अब जरा लेखी दिनूँ सोणियों का हाल,  
दिल्ली की रटन जो यूँ कनी राती व्याल ।  
दिल्ली की रटन यूँता किलै नी करीला,  
क्या काम इनरौ उती बैठिया रहिला ।  
नौकरीक दुख ओती कुछ नी देखन,  
किलैकी नी करी सेणी दिल्ली की रटन ।  
पति गोय नौकरी पै यूँ छी क्वाटरम,  
दुख हय पति पारी दूयुँ छा आराम ।  
नौकरी की सेणी करणी क्या हई खबर,  
कस दुख पति पारी कतु छा फिकर ।

( १६ )

नौकरी संशेष हाल लेखी दिनूँ आज,  
सेणी के घरण चेंद्रा मालिके की नाज ।  
आजकल नी जान जो नौकरी कुट्टगी,  
चुल छुच्या मालिक छा किछा ओकी मेर्गी ।  
इधर उधर वक वदनाम कर्नी,  
तब जैसी मालिक हो दिल्ली ने है जानी ।  
जो रहनी घर करों वड़ा भागवान,  
नी जान मालिक दिल्ली नी कग वदनाम ।  
पहाड़क समाजक बदली गो जान,  
सहायता करीला हो विष्णु भगवान ।  
जंती तती दिल्ली वालों इज्जत करनी,  
इस्कूली नन तब दिल चमकानी ।  
मक भल कामों नजि इज्जत उनरी,  
चाहे कनी दिल्ली मजि ऊँ कैसी नौकरी ।  
काकी लै चोलिका जब मङ्गणियाँ आनी,  
दिल्लीक सवाल पेस पैली करी दिनी ।  
नी देखन लेती पाती नी देखन घर,  
नी पूछन लीखी पढ़ी नी देखन बर ।  
जवाईं छा दिल्ली जब चेली दिनी दई,  
नौकरी दिल्लीमा चाहे जवें कैसीं हई ।  
बस जान हई गोछा अब समाजक,  
काँ तक लेखण हया बिचार मनक ।

## ਦ੍ਰਿਤੀਧ ਖਣਡ

ਚਨਦਨਸਿੰਹ

ਤੁਮ ਸਬ ਸੁਣੀ ਲਿਧੋ ਧ ਮੇਰੀ ਅਰਜ,  
ਗਰੀਬੀ ਲੀਜਿਆ ਹੈਂ ਧ ਖਾਸ ਫਰਜ ।  
ਭਾਈ ਬਨਧ ਤੁਮ ਸਭ ਕਾਮ ਕਰੀ ਲਿਆ,  
ਨੌਕਰੀ ਕਣਕ ਤੁਮ ਨਾਮ ਭਨ ਲਿਆ ।  
ਆਪਣਾ ਇਲਾਕਾ ਮਜਿ ਸਭ ਕਾਮ ਕਣ,  
ਪਰਦੇਸੀ ਨੌਕਰੀਕ ਨਾਮ ਲੇ ਨੀ ਲਿਣਾ ।  
ਆਪਣਾ ਇਲਾਕ ਮਜਿ ਕਿਧਾ ਕੁਲਿ ਕਾਮ,  
ਇੜਜਤ ਬਨੀ ਰਹਲੀ, ਨੀ ਹਲੌ ਬਦਨਾਮ ।  
ਹੌਂਨ ਹੁਣੋ ਚਾਰ ਮਾਹ ਭਾਵਰ ਜੈ ਹਧਾ,  
ਚਾਰ ਲੇ ਮਹੀਨਾ ਤੁਮ ਉਤੀ ਕਾਟੀ ਹਧਾ ।  
ਰੋਜਨਦਾਰੀ ਕੁਲਿਕਾਮਾ ਤੁਮ ਕਰੀ ਲਿਆ,  
ਭਿੜ ਪਗਯਾਹੁਕ ਤੁਮ ਠਕ ਲੇਈ ਲਿਆ ।  
ਖੇਤੀ ਕਾਮ ਕਣ ਮਜਿ ਲਗਾਣੀ ਤਾਕਤ,  
ਸ਼ਵਾਦਿ਷ਟ ਹਧ ਭਲ ਰਖਡਕ ਭਾਤ ।  
ਕੁਲੀਕਾਮ ਕਰੀਧਕ ਪੈਂਸ ਲਾਗੋਂ ਕਾਮ,  
ਆਪਣਾ ਇਲਾਕ ਮਜਿ ਬਨੀ ਰੱਖਾ ਨਾਮ ।

खेती की मेहनत भया काम बड़े ऐंद्या,  
सारे य दुनियाँ करणी य खेती पालिद्या ।

## दोहा

जिसको श्रकल न होगी कुछ, करेगा नौकरी वह ।  
करता हैं यह काम मैं, लिखता हैं बात यह ॥

दूकानदारी करि लीणी आपण घरम,  
बहुत साधन हनी हमर जिलम ।

हर-चीज व्यौपार और जड़ फूल पत्ती,  
बहुत बेचिनी भया यूँ हमर एती ।

जतु कीमतिया चीज देश में बननी,  
जड़ बोटी सब चीज पहाड़ा वै आनी ।

नौकरी जो करूँ जब करो पड़ोसमा,  
बुलहणों सहल्यता रहीं आपण जिलम ।

सरम नी करणी चैनी कामता कर मा,  
पड़ोसमा काम कहूँ नी सोचो दिलम ।

देश जाबै जात हरै हरै जाँछ नाम,  
पहाड़क हई जाँछ बुर बदनाम ।

जात हरै नाम हरै पहाड़ी लै कनी,  
पहाड़ी पहाड़ी कबै आवाज लगानी ।

नान ठुल सब जब देश मजि जाँछ,  
पहाड़क बदनाम तब हई जाँछ ।

( १६ )

क्वे आदिमा मारी जानी क्वे पिटाई खानी,  
धौंसता उनरी सब सहन हो कनी ।  
दिन भरी काम पारी नौकरा थाकनी,  
मालिक हो फिरी फिरी धौंस लै जमानी ।

दोहा

खेती वारी अच्छी है नौकरी करना है बेकार,  
मेहनत करो खेती की नौकरी करना करो इनकार ।

कुन्दनसिंह

घर की नौकरी देखी दिल गोय हटी,  
यूं बैकारा धौंस कणी सुणी सुणीं बटी ।  
पोरे बेर मैता जब गोय दिल्ली हुँगी,  
मंगल लै वार हय भेद दक्षिण हुणी ।  
वाँ जा बटी दिया माँह रहे गोय खाली,  
मकरणीता उत्ती श्रब नौकरी नी मिली ।  
तब बतै एकला हो घरकी नौकरी,  
खुहुणी बनाण और काम लै उपरी ।  
कपड़ा नी धुण उत्ती नी माजण भना,  
नता उत्ती हया छौट उनरा ले नना ।  
फिर मैता काम पारी उत्ती लागी गोय,  
मुणि मुणि कनै एक महिना है गोय ।

मुगि मुगि कनै उनुल सम्भाली भतेग,  
     आधुक हो करी दिया गिलास कटोरा ।  
 फिर मैंके हई गया दी महिना उती,  
     मालुम न आधु थाल सम्भाली दी कत्ती ।  
 ओती फिर हई गया भौत कमभन,  
     भन माजणाम फिर लागोय कुन्दन ।  
 मुगि मुगि सारंस दिनूं समझी हो जया,  
     नौकरीता करूँ हुणि एति झन आया ।  
 तीन ले महिना पुर उती हई गया,  
     धौंसता ऊँ ठुल ठुल जमाण भै गया ।  
 फिर हई गया मैंके चार ले महीना,  
     धौंसला बुलाओ कबै सीखे हालीनना ।  
 दोस्त म्यर एक दिन आई रौछी भ्यार,  
     उकणी मिलण लीजी मैं हयू तैयार ।  
 गुस मजि तब कय मांज ले गिलास,  
     फिर तभी भ्यार जये आदिमाक पास ।  
 पाँच महिनम म्यर एक दोस्त आय,  
     त्यर कतु आदिमता आनी कबै कय ।  
 एक मन यस कय मारी द्यौं थप्पड़,  
     करी द्यौं टोटमिली यदै दिलै द्यू खबर ।

( २१ )

गिलास नी माँज मेलै आई गोय भ्यारा,  
मथ फिर तब गोय बात करी बेरा ।

मथ ले क्या जनूं तब उसारे कुटम,  
एक म्यरा लीजिया ऊँ हैरई गुसम ।

चौका मजि जुला कोंछी नो ले जाए दिया,  
मैं उनुलै छत मजि भ्यार रोकी दिया ।

एक एक कबै सब उती कें आगई,  
मैंहैंतिगणी सबुलता बात एक कई ।

### मालिक

गिलास कुन्दना तुले किरकी नी माँज,  
मुगा तेहैं नी जा क्य किले गये आज ।

जो कुछ करुला हम तू करले वस,  
अरुँका नौकर काम कनी कस कस ।

बजारक काम कनी खुहुँगी बनानी,  
सारे ऊँ सफाई कनी बिस्तरा लगानी ।

मालिकों का स्तेदारों काम करी दिनी,  
जतू पारी पालिसता नौकर करनी ।

ननों का कपड़ों कणी ऊँलै धोई दिनी,  
ननों कणी इथाँ उथाँ घुमुहूँ ली जानी,

मालिकों कपड़ा सब नौकर ले धूनी,  
 रात हुगी हाथ पाँव ऊंलेकी दवानी ।  
 और खुमामत कनी ऊँलं मालिकों कि,  
 छुट्टि ले नी लीना ऊँता विलकुले दिनकी ।  
 राती हुगी पाँच बजे से बटी उतरा,  
 रात हुगी काम पारी बाजी जानी वारा ।  
 धौंस ले क्या चीज हई ऊँता पीटी दिनी,  
 श्रोहुँका नौकर तब काम ठोक कनी ।

### कुन्दनसिंह

जो कुछ करण चेष्ठा सोता करी लियो,  
 गिलास कटोरी पैली निकाली ले दियो ।  
 मैंता क्या डराण हँसा मैंतानी डरनूँ,  
 जो काम सामणी आलो उ कामं करनूँ ।  
 खुद्देणी बनाण और बजारक काम,  
 तुमूँ हैंती दिया कामो कुल लिहूँ दाम ।  
 प्रैमलै माँजी दिया गिलास कटोरी,  
 तुमलै करी दी आज आपणी टोटरी ।  
 गिलास कटोरी जब भ्यार नी निकाल,  
 काम हो करणोंकि मैंहैं लियो हड़ताल ।

काम पारी हई गया पाँच ले महीना,  
 काम हड़ताल करी मैले तीन दिना ।  
 गिलास कटोरी फिर निकालीं ले दिया,  
 कुन्दनसिंह चौथा दिन काम पै आ गया ।

### मालिक

आओ आओ कुन्दनसिंह और ले सुनाओ,  
 चहा हमुल बने हैछा तुमूँ चहा पिओ ।  
 तीन दिन भरी तुमूँ कतु दूर गया,  
 कती कती धुमी हया क्या क्या देखी हया ।  
 हम सब थाकी गोयू तीन दिन भरी,  
 कथं गोय कहीं आँछ इन्तजार तेरी ।  
 आई गैछा ठीक हय अब काम करा,  
 चौक मजि भन अब हई गई पुरा ।

### कुन्दनसिंह

तोन दिन दुख हय फिरी सुख सुख,  
 वर्तन पुर हया के नीरय दुख ।  
 हाथ जोड़ी तुमूँ हुणी अरज करनूँ,  
 आगिनक हाल अब तुमूँ के सुनानूँ ।  
 एक दिन दिया दिन हैगी तीन दिन,  
 भौत लेकी सुख रय एक ले महीना ।

फिर लेय, ऐसी वात किंदा मालकणी,  
कुन्दना नौकर हय कुन्दना हैंतिगी ।

### मालकणी

य महिना खर्च एनु ज्यादा क्यक आछा,  
दावत नी हई ऐसी य क्या वात हैचा ।  
पाँच सेर बिल ज्यादा आई रौछा घ्यांक,  
बिल ले दी सेर ज्यादा आई रौछा घ्यांक ध्यांक ।  
छटांक अमच्छरा ज्यादा छटांक ले जीरी,  
दीयारती ज्यादा आछा हीड़क ले विली ।  
पाव ज्यादा अदरख पाव ज्यादा मर्चा,  
आधो सेर धनियाँ ले य क्यक खर्चा ।  
छटांक जवांग हर्दी खर्च है ज्यादा,  
एतुका खर्चा हय बताई दे फैदा ।  
आधो सेर ज्यादा आई गर्म मशाला;  
तीन पाव ज्यादा ऐछा उर्दे की दाला ।  
सेर ले नमक ज्यादा यों पौँड़ चहाक,  
पाँच सेर बिल ज्यादा आई रौ चीनीक ।  
सेर भरी ज्यादा ऐछा अरैहरै दाला,  
दिया सेर ज्यादा आई मिहींग चावला ।

मूँग की ले दाल तुले कभै नीं बनाई,  
 तब जै मसूर फिरी दुवारा य आई ।  
 सावुद यूँ चण तुले कतुक बनाई,  
 मकगी य याद नीछ यूँ कतुका आई ।

### कुन्दनसिंह

अब तुम बीबी मेरी बात सुगी लियो,  
 खर्च बिलकुले कम मैलै लैकी कयो ।  
 दावत जतुक हई तुम लियो सुगी,  
 टी पार्टी तुमूले कई पोरूँ होली हुणी ।  
 मैसता पछपन हई संसियाँ पेंसट,  
 नन ठुल हई सब एक सौ चौसट ।  
 डेड़ मण पाणी माजि चहा पौँड एक,  
 पाँच सेर दूध लै बाँदी बड़े टेक ।  
 चहापत्ती भौत कम चीनी की छो कमी,  
 चहाका केतली दिया मैलै दमादमी ।  
 तीन पौँड चहाकता जरूर चैहैं छिया,  
 दूध चीनी बीस सेर जरूर आँछिया ।  
 उदिनता चहा म्यलै खुद ले बनाई,  
 भ्यारक आदिमा बुल्हे कै लियो ट्राई ।

नोकरीता पक्की हई कंलाश माई की,  
 दावत करिद्धा तब मारे पड़ोम की ।  
 पाँच सेर डब आद्धा उदिन हो घोक,  
 पीसिया उलाय तब बीम सेर घोक ।  
 दस सेर आलू आई पिनाऊ छै सेर,  
 गोभी की ले लागी गेढ़ी छत मजि ढेर ।  
 पन्द्रह सेर बेगन ता भुर्ता का आई,  
 छल्लों हुएगी चण भीगे म्यलै एक थाई ।  
 पाँच सेर जीमीकन्द नौ सेर मटूर,  
 बारह सेर लौकी ऐछा उनीस सेर कटूर ।  
 चार सेर मूली ऐछा दी सेर गाजर,  
 पाँच सेर ब्याज आद्धा बाँकी टिमाटर ।  
 एतुका सागम चेष्ठी कतुका मशला,  
 यूँ तुमरा हाल देखी डाली कमशला ।  
 पीसिया उलाय कम तुमूँ देखी बेर;  
 एक-एक परांवटी लीगू घन्ट-घन्ट देर ।  
 ऐसिका उनुला फिरी खाण कम खाई,  
 एक-एक परांवटी जब देर माजि गई ।  
 घ्योंकि जरूरत छिया पन्द्रह सेर,  
 पिसियाता चेहें छिया पक्क मन डेड़ ।

( २७ )

बीम सेर त्वौल हून तायरी बनाई;  
म्यरता स्यालम च्याओ भौत कम आई ।  
पांच मेर धनिया की बनेछा चटिनी,  
अमचूरा मशला लै वचरणों की ठानी ।  
धनिया पुदिना म्यर समझी मशला,  
ईमिलीता डाई म्यलै अमचूरा बदेला ।  
चटुनिमा हरी मर्च डाईछा हो म्यल,  
मशला ले जरा डाली हीङ्ग जिरकुल ।  
कतुका मशला चंच्छी एतु चटुनिमा,  
दावतों के देखी बेर खर्च हौछा कमा ।  
तीन दिन भरी रही महिमान सब,  
दिया टैम दाल बीबी बनछिया तब ।

### मालकरणी

अब तूता छोड़ी दे हो य झगड़े करणी,  
नतर आगिन काम अबेर ले हणी ।  
आगिनाक काम अब तू कर आपण,  
खर्च हौ सब ठीक झगड़ क्या कण ।

### दोहा कवि

नौकरों में धौंस जमाने की बनी हुई इनकी है आदत  
ये बेकार की धौंस समझकर तब लीखी नौकरी आफत

## ਕੁਨਦਨਸਿੱਹ

ਮੁਗਿ ਮੁਗਿ ਕਨੈ ਫਿਗੀ ਦਿਨ ਹੈਗੀ ਬਾਗ,  
 ਊ ਭਤੇਰਾ ਲੇਕੀ ਹਥ ਮਾਲਿਕ ਸਮੁਗਲ ।  
 ਤਨਰਾ ਲੇ ਤਤੀ ਹਥ ਏਕ ਲੇ ਨੌਕਰ,  
 ਹਮਰ ਕੁੰਮਾਈ ਛਿਧਾ ਭਾਈ ਤ ਹਮਰ ।  
 ਵਕ ਮਾਲਿਕਕ ਏਕ ਭਾਨਜ ਢੀਟ ਛਿਧਾ,  
 ਤਿਲੋਕੀ ਕੇ ਲਕੜੇ ਲੇ ਓਲੇ ਮਾਰੀ ਦਿਧਾ ।  
 ਤਿਲੋਕੀ ਕੇ ਰੀਸ ਚਢੀ ਲਗੇ ਦੀ ਥਪੜ,  
 ਢੁਤ ਮਜਿ ਨੈਹਦਾ ਗੋਧ ਨੌਂ ਹੁਣੀ ਊਪਰ ।  
 ਰੁਨੈ ਰੁਨੈ ਭਾਨਜ ਜਬ ਮਮੇਂ ਪਾਸ ਗੋਧ,  
 ਲਾਕੜ ਲੀਬੇਰ ਮਮ ਤਬ ਮਥ ਗੋਧ ।  
 ਮੈਂ ਤਹਿਧਾਂ ਭਤੇਰਾ ਹੋ ਲੇਖ੍ਖੁੰ ਹੁੰਦੀ ਚਿਟ੍ਠੀ,  
 ਭਧਾਰ ਢੁਤ ਮਜਿ ਓਲੇ ਤਿਲੋਕੀ ਦੀਂ ਪਿਟੀ ।  
 ਮਧਲ ਝਟ ਹਾਥ ਪਾਰੀ ਚਿਟ੍ਠੀ ਫੈਂਕੀ ਦਿਧਾ,  
 ਭਧਾਰ ਹੁਣੀ ਭਾਜ ਜਿਥੇ ਪਕੜੀ ਲੇ ਦਿਧਾ ।  
 ਆਉ ਛਿਧਾ ਮੈਂ ਦਗੜੀ ਤਹੀਂ ਦਿਧਾ ਭਗਾ,  
 ਚਿਟ੍ਠੀ ਊੰ ਲਿਖਾਣ ਹੁੰਦੀ ਆਪਣਾ ਆਪਣਾ ।  
 ਤਨੁਲਾ ਪਕੜੀ ਰੌਛੀ ਬਾਤ ਮਧਲੈ ਕਈ,  
 ਤਿਲੋਕੀ ਛੋਡੀ ਦੀ ਫਿਰੀ ਜਧਾਨ ਲੇ ਬਚਾਈ ।  
 ਆਪਣਾ ਕਮਰਾ ਮਜਿ ਮਾਲਿਕਨਹੈ ਗੋਧ,  
 ਤਿਲੋਕੀ ਲੈ ਮਥ ਫਿਰੀ ਰਣ ਲਾਗੀ ਰਧ ।

तिलोकी नौकरी छोड़ी फिरी नंह्या गोय,  
 दूसरा नौकर फिर समुवाँ आगोय ।  
 बेलता नौकरी करी कुल बार दिन;  
 सोलह रूपयाँ दीछी उकणी महिन ।  
 दस मिनट की राती अणों देर हई,  
 समुवाँ में करी दिया ओले ले पिटाई ।  
 मुण गली मजि आय उता भाजी बेर,  
 मालिकैं हाथ की एक थप्पड़ खा बेर ।

## कवि

अगर जब छोटे बच्चों को, हम दिल्ली में न भेजते ।  
 इन बनियों को हाथ की, बेकार की मार क्यों खाते ॥  
 घर वटी तिलोकीक वाप आई गोय,  
 तिलोकी तनखा लीजी उन्हों हैंती क्य ।

## तिलोकी के पिता

म्यरता चलकी तुम तनखा दी दियो,  
 जो कुछ कमूर हय माँफ करी दियो ।  
 कतुका महिना वैला काम एती क्य,  
 कतुका रूपया उता खर्च कै गोय ।  
 कतुका रूपया वैल खर्च कै रही,  
 कतुका तुमरी पास अब बची रही ।

जो रूपया बची रही दी दियो मकराई,  
आज घर ली जान्त्रूँ मैं तिलोकी लेकरगी ।

### मालिक

क्यक ले रूपया यक हमूँ पै बसनी,  
एकी ले तनखा एक पाई नी बचनी ।  
तूलै किलै निकालिछा तनखा जिगर,  
हमर भतेगा बनी जा नीकल भ्यार ।  
ध्याला ले पलेटा एला कतुका दी तोड़ी,  
गिलास कटोरी ऐला कतुका दी फोड़ी ।  
तूता पैली हमर यूँ रूपया दीजये,  
आपगा चेले कं लीबे घर फिर जये ।  
मुकबत हमर यूँ भनुला नी आण,  
यूँ भनुका रूपयाता तुमूला सजण ।  
यलै बात सही हई तुमूँ अच्छा ऐती,  
तुमूँ करणी ढूँ ढूँ हुणी हमुँ जाँछी कती ।

### तिलोकी के पिता

भना लेकी फूटा जब तुमरा कामम,  
रूपयाँ ले लेखी दिया तिलोकी नामम ।  
घर हुणी वेला रुपें तब जैनी भेजा,  
गलती तिलोकी की ले नी है कुछ आजा ।



तिलोकी तनखा अब पूरी लेई ल्यूला,  
याता य जिन्दगी करणी तुमूँ के दिजुला ।  
रुपयाता देई दियो भल ले मुखल,  
ऐसी बात नी करन नकल मकल ।

### मालिक

भल ले मुखल तूता जल्दी नै जा भ्यार,  
मेरी लै हाथ की अब तूता खाले मार ।  
य बड़े रुपेनों वाव यादिणी आरौछा,  
म्यल हो भतेरा मिहँ बहस कुहुँछा ।

### कवि

नौकरी की छोटे बच्चों को, न होती इतनी शौकीन ।  
तिलोकी के पिता क्यों जिन्दगी देने को होते लवलीन ॥  
ऊँ वका भतेरा बत्ती भ्याल नैह्या गया,  
आपण मनम सोच करण लागया ।  
कुन्दनसिंह एतुका हो बात सुणी रया,  
रसोई कमरा में बै गलीमा आ गया ।  
उनुँकणी गली मजि ऊँलै रोकी गया,  
मालिके की पास फिरी खुद आफी गया ।

## कुन्दनसिंह

बाबू जी हो तुम एक बात मुणो मेरी,  
 च्यलकी तनखा तुम्हाँ दी दियो उनरी ।  
 सून कीं पसीना बने कामता करम,  
 काम पारी थाकी रोछी तुमरा घरम ।  
 सच्च दिलल काम कोछी बड़े इमानदार,  
 तनखा नी द्यला जब हली पीट मार ।  
 तुमूला तनखा ग्रब जरूर दी दिणी,  
 बैकार की भगड़ हो किलेकी ले कणी ।  
 गली मजि बैठी रोछा तिलोकी क बाप,  
 गलिमा तनखा ऊँकें देई आओ आप ।  
 तिलोकीक बाप फिरी मथ हो बुलाय,  
 आपण तिलोकी फिरी तनखा ली गोय ।

## कुन्दनसिंह

तुम सब भाई हुणी विनती करतूँ,  
 पैलिका समुवाँ हाल आगिन सुनानूँ ।  
 समुवाँता रुनैं रुनैं आई गोय मुण,  
 चौक मैं बैं समुवाँक सुणी हारौ रुण ।  
 मुणा गली हुणी देख मथ चौक में बैं,  
 आवाज लगाई तूता किलैं रुँछैं कबैं ।

( ३३ )

### समुवाँ

पांच मिनट की देर हईगे अरणाम,  
थपड़ा हो लगे दिया भतेरा जराम ।

### कुन्दनसिंह

झट जारी मालकरणी आईगे चौकम,  
गुस बड़े चढ़ी रौछी म्यर ले दिलम ।  
बताई दे बी बी जी हो क्या समझी रैछा,  
त्यर भाई नौकरों के मारण ला रौछा ।  
जरा जब देर हैछी किलै दिया मारी,  
त्यर भेला मन मजि क्या बात ल्है ठारी ।  
देर मजि आय जब मारी किलै दिया,  
गुस जब आई रौछी निकाली नी दिया ।

### बीबी

कुन्दनसिंह भेता रौछी ऊती करणी ठड़ी,  
म्यर भेले समुवाँ के बिलकुल नी मारी ।  
म्यरा भेला इहिंतिरणी ऐसी बात कैछा,  
देर किलै करी आज क्या बात ले हैछा ।  
आठ बजे तूता जब से बटी उटले,  
तू कतरी जुग फिरी काम लेकी कलै ।

नौ बजे मैं रोज जानूँ दफ्तर हुणी,  
 तैयार चहिंछा तहीं खुहुणी मिहुणी ।  
 तब एला ऐसी बात उन्हों हैंती करी,  
 मकणी हो आणा मजि नी हैरई देरी ।  
 एसीका हो म्यर केलै नी हनी नौकरी,  
 आले नैह्या जानूँ मैंता काम आनूँ छोड़ी ।  
 म्यारा भैला उकणी हो बिलकुल नी मारी,  
 उनूँ कणी देखी बती उता गोय डरी ।

### कवि

उनिक मालिक तब उती के आगोय,  
 क्या बात है रेढ़ा कवै पुछ्रण भे गोय ।  
 य कहता सारे जब लगाई उकणी,  
 मुण लेऊ नैह्या गोय समुवाँ जदिणी ।  
 बता बे हराम ज्यादा कदिणी मलिछा,  
 यलै बात भूठी तुलै किरकी करीछा ।  
 गुस मजि देखी उकं डर लागी गई,  
 मकणी नी मारी कबै ओले दिया कई ।

### कुन्दनसिंह

मथ आबे गुस हय उता हो मिहुणी,  
 बहस हो बड़े हैंगे उकणी मकणी ।

तनखा लीजिया समुँ व्याव आई गोय,  
 अवाज हो उ मकणी लगागा भैगोय ।  
 उन्हाँ ले चहाय म्यर ठली लौ गलींमा,  
 गुस बड़े चढ़ी रोछी म्यर लै दिलम ।  
 मालिछा कबती तूलै साविद ले कण,  
 तब जै तनखा लीजी मथ तूलै आगा ।  
 म्यर ले भरम मिलो मैं वे साथ हय,  
 मथ आवे फिरी ओले मारी कबै कय ।

### कुन्दनसिंह

अब तुम बाबू जी हो सुणों मेरी बात,  
 जरूर चलाका हैछा बनिये की जात ।  
 तहों बती तुम लैता वेसी बात करी,  
 साविद कराई दिया अब हैकी मारी ।  
 तुमुँकणी विश्वास छी एल झूठी लगेछा,  
 गुस मजि मेरी साथ बहस करिछा ।  
 आपणक कसूर हो जो ले देखन,  
 उहैंतिणी भल मैंस क्वे लेकी नीकन ।  
 कसूरा निकल अब तुमर सौवक,  
 इकैं जब मारी दिना नी रहन धक ।

( ३६ )

### मालिक

जो घर मिलनी खुँह लड़ ले मिठाई,  
धौंस लेको उती हली वाँ हली पिटाई ।  
दीया घन्ट छुट्टी उक्के दिनम मिलिद्धी,  
नीन जब ज्यादा छिया से किलै नी रौद्धी ।  
रहन सहन जाका दगड़ ले हलौ,  
कुटमक उकणी उ जरुर समझलौ,  
माँ बाप हो बच्चों कगी प्यार भौत कनी,  
कसूर ले हई गोय ओंले पीटी दिनी ।

### कवि

मारी हुई साविद करने पर मिठी बात कहने लगे  
तनखा नहीं देने के लिये कुटम्भ का बतलाने लगे

### कुन्दनसिंह

खून करणी पसीना में काम पै वहूला,  
बैकार की धौंस किलै सहन करूला ।  
मुकवता तुमुलै हो मिठाई नी दिया,  
हमुँ हैंबै दिन रात काम करे लिया ।  
एक ले इकली जब बीड़ी पिहौं दिछा,  
अठन्नी की मजदूरी तब करे रीछा ।

जो बझ के झलीदार रूपे में ली जानी,  
     इकन्नी दवन्नी दिबे उ काम करानी ।  
 कुटमक तुमूँ बाबू कसी समझा,  
     नौकर समझो बटो तिलोकी मारौछा ।  
 कुटम्भक समजना किलकी मारना,  
     ननोंक भगड़ छिया चुपचाप रहना,  
 आपण भान्जाक तुमूँ बुर लागी गोय,  
     बै कसूरा तिलोकी हो मारी किलै गोय ।  
 तुमूरा सोचणा छिया आपण दिलमा,  
     आपण आगिन बत्ती भानजा रुणाम ।  
 हमर भान्जा क मारी हमूँ लागो बुर,  
     कथंता हुनल यक सैंतणी जरूर ।  
 तिलोकी समुँवाँ बाप तही एती हना,  
     तुमरा ऊँ जीजूरूला खून पेर्इ जना ।  
 मारी दी भानजा कबै बुर तुमूँ करणी,  
     बिलकुल नी समझा इन् बातों करणी ।  
 मकणी भरोस नीछ यूँ दिला दगड़,  
     ऐसिका मैं नी बढ़ान आगिन भगड़ ।  
 नतरता तुमूँ जस कतु देखी रैछी,  
     तीन सौ हो साठ म्यल भुगुती रहैछी ।

भगड़ा के छोड़ो अब तनखा दी दियो,  
पाई पाई कवतीता हिसाब दी दिये ।

### कवि

तनखा दे दी फिर उसकी मारे हुए का रहा स्थाल  
नौकरों की कर दी मैंने उनके घर में फिर हड़ताल

### लेखक

तुम्हूं सब भाई हुणी बिनती करनूं,  
दूसरी बीबी का हाल आगिन सुनानूं ।  
दूसरी बीबी का तुम सुणी लिया बात,  
बैकार ऐसान धरी तिरिया की जात ।  
पोरूँ ऊहें ऐसी बात ऊ बीबी ले करी,  
कपड़ा कुन्दना म्यलतिहुँ रही घरी ।

### बीबी

कलौथ मील बै ल्यायु तिहुणी कपड़,  
बहुत बढ़िया छेंयूँ देखी ले सकल ।  
सिलराँ लीजिया म्यल टेलयर देई,  
सिलाई मजबूत तब इनरी कराई ।  
आजकल फैसने की यछा नई काट,  
कपड़ों के पैली बेर बड़े ठाट बाट ।

सिलाई कपड़ा म्यल काँग्रेसी फैसन,  
     दगड़ी हैं बात कलै हैंसने हैंसने ।  
 एक जोड़ी जौत म्यल तिहुं धरी रौछा,  
     बाबू जी ले देई दिये मैहैंती कैरौछा ।  
 बाबूजी पोरुवाँ ल्याई य जौत कं मोल,  
     कीमतक हय यता बड़े जोर सोल ।  
 उनरता खुद कणी य जौत नी आय,  
     नई तव आज तक भतेरा रहय ।  
 दिल्ली मजि महसूर वाटा छा कम्पनी,  
     भौत कीमतक ज्वता उती ले मिलनी ।  
 उ वाटा कम्पनीक य ज्वत नई हय,  
     खुट य काटन हैंगो भतेरा रहय ।  
 कुन्दना पैलीरे तूता य जते ले कणी,  
     कुरत पैजम ज्वौत दी हाछा तैकणी ।  
 नी ल्युन कीमत इनरि तैहैंतिणी बती,  
     एतुका रुपया तूलै ल्याणा कती वती ।  
 कीमत इनरी जब तैहैंतिणी लीणी,  
     छै महिने तनखा ले पूरी ले नी हणी ।

### कुन्दनसिंह

भौत भली बात बीबी तुमला करीछा;  
 आपण मनम भली य बात सोचिछा ।

( ४० )

राती बती व्याव तक एती कुनूं काम,  
कती बती ल्यारा मैलै कपड़ों का दाम ।  
तुम्रा आपरणी घरे इजजत कै दिया,  
आणी जणी सामणी में पैलरा लीजिया ।  
आपरा कुटम कस समझ तुमुरा,  
सूँट बूँट तब जसि देई दिया पुरा ।

### बीबी

एक बात कुन्दन मैं तैंहैंतिरणी कुनूं,  
फायदै की बात छा य तकरणीं वतानूं ।  
बाबूजीं तिहुँणीं जब कुछ बात किला,  
उनूं करणीं गुस आलौ धौंस ले जमिला ।  
गालीं गुप्ता अन्डीं सन्डीं ऊँ करीला जब,  
तू उनर सामणीं में चुप रहे तब ।  
गुस मजि तिहुँणीं ऊँ बात भौत कीला,  
तकरणी तहियाँ जब मारणा उठिला ।  
जो कुछ करीला ऊँता तू चुप रहये,  
चुपचाप उठि वठि चौकम आ जये ।  
जवाब तू उनूँकरणी बिलकुल भन दिये,  
सूरियाँक अणासुणी तूता करी लिये ।  
बाबूजी कैं जबाबक लागू भौत नक,  
जबाब नी द्यलै जब भगड़ छा क्यक ।

## कुन्दनसिंह

मकणीता चढ़ी गई रीसा बड़े भारी,  
     यूँ त्यर कपड़ा जवता त्यर मुख पारी ।  
 ह्यूँ त्यरा दूटिया जवत नी धरा ऐसान,  
     फटिया कपड़ोंक य नई छा फैसन ।  
 बेकार की धौंस म्यल सहन नी करणी,  
     याद करी लिये बीबी बतानूँ तकणी ।  
 दस साला पुरण यूँ धोवी का धोईया,  
     सन ले तारीख हई इनुं पै लेखीया ।  
 कमीज फटिया छा य जग ले अठार,  
     पैजमा मुसका काटी य छा जग वार ।  
 जंग लागी कमीजक हई रौछा खग,  
     काटी छिल छिल कैलें पैजम जग जग ।  
 कभणी बैजवत जाणी कुण खेती रय,  
     दूटिया य जत हय द्यौख लागी गोय ।  
 आपणी मनम तुलै क्या बात सोचिछा,  
     देखणी चीजम एतु भूठी ले लगेछा ।  
 आपण पैसुका मैंत कपड़ा ली ल्युलाँ,  
     तुमरी बेकार धौंस सहन नी कुला ।  
 आपणी कीमत लगे बड़े हुँछा फैदा,  
     बदनम फीट हनी फर हनी ज्यादा ।

मुसका काटिया ह्या बताई नौ काट,  
जड़ लागी नौं फैसन बतै ठाट बाट ।

### कवि

एक बात और मेंत तुम्हूं के बतानूं,  
इन सब बातों करणी में सही लेखनूं ।  
जरा ले के ह्य जब यूँ किस पाड़नी,  
बानर आदुक स्वाद क्या लेकी ज्यारनी ।  
सतसील पर्वत देबों रहगियाँ,  
यूँ आज ओती जीवों के वानर बतागियाँ ।  
देव भूमि जग की हो ऐसी दसतरी,  
प्रदेश घरूँकी जो नौकरी ले करी ।  
हम जीमीदारों रे यूँ वाणियाँ सिखाई,  
खणों पिणों चीज रीती इनुके बताई ।  
खण पिणों पैलणों की जतु चीज हनी,  
सब चीजों करणी पैदा किसान युँ कनी ।  
ऐस मैंसू करणी भया नी आनी सरम,  
जमीदारे चले हैंती बानर करम ।

**देश पहाड़ का रहन-सहन तथा अन्तर**  
हाथ जोड़ी तुमूं हुणी विनती करनूं,  
जरा सा सारंस एक मैं और लेखनूं ।

भौत बात क्या लेखनूँ ग्रन्थ वनुछा,  
 सारे हाल लेखी बटी इतिहास छपूछा ।  
 धर्मशील जीवोंक हो पर्वत वास,  
 पापी पखन्डीक हुँछा देश में निवास ।

**पहाड़ का रहन-सहन चाल-चलन तथा धर्म**

भारत में पहाड़ हो सुन्दर छा जग,  
 अँगूठी बीचम जसे सानदार नग ।  
 नी हुन गर्मी मजि अधिक गर्म,  
 सर्दी में नी हुन याँ अधिक नर्म ।  
 कैसी सानदार जग पहाड़ बनाय,  
 गर्मी सर्दी मजि सुख सदा हय ।  
 ढै ढुँगरा इथाँ उथाँ एस हो देखिनी,  
 वरसात ऋतु मजि हेंसनें रहनी ।  
 ढै ढुँगरों मजि बनी देवी जी थान,  
 बड़ा बड़ा मन्दिर हो तीर्थ महान ।  
 इधर उधर बती क्या भला देखिनी,  
 शीशे और सीप तरह सुन्दर चमकनी ।  
 चार चार गाँवों बीच रहनी जंगल,  
 सब चीज सुख मिलाँ करनी मंगल ।  
 इथाँ उथाँ जाण मजि क्या भल मान्युछा;  
 चारों रे तरफ जब हरयाली देखींछा ।

जाई जस नी माननौ हरयाली में दिल,  
 ठण्डी हवा हरयाली की शरीर मंगल ।  
 भौत मीठ सानदार फल फूल हनी,  
 ज्ञानें ध्यानें बात हमुँ भौत समझानी ।  
 भौत बात क्या लेखनुं समझी हो जया;  
 समझदारक लीजी ईसाल कै गया ।  
 हिंसाऊ किलमोड़ बेरु देश मजि हना,  
 काँफोबा कलहूँज जो यूँ टीपी ल्यानी नना ।  
 दस रूपैं सेर जब देशम मिलना,  
 खाई बती भौत सस्ता इनुकैं बतना ।  
 सौवा दिवार का डवा हवा खींची ल्यानी,  
 आपण मधुर गीत हमुँ कैं सूनानी ।  
 यस कनी मन मजि दुख नी सोचण,  
 हैंसनें बुलानें भया आपस में ल्हण ।  
 जीवधारी जीव भया तुमूँ लेकी हया,  
 मैं तुमर साथी हय मेंभन काटिया ।  
 हाँजरी बुरुस फूल बहुत सुन्दर,  
 अफसोच नी करन आपण अन्दर ।  
 उ हर समय भया हैंसनें रहूँछा,  
 भौत किसमका बात हमुँ कै बताँछा ।

खुशी ले धरिया कनी आपण मनम,  
केलैं बात पारी कभैं नी कण गुमान ।  
खुशी जब हली कनी तुमरी मनम,  
चिन्ता कणां मिटिरा हो भगवान राम ।  
ऐसी बात ऊँ फूला हो हमुँ कैं बतानी,  
ज्ञान ध्यानें बात ऐसी भौत समझानी ।  
सतसील पर्वतों ठण्डी हवा हली,  
खणियाँ पिणियाँ सब शुद्ध चीज हली ।  
जो भाई जथैं ले जानी बेघरक जानी,  
सतसील पर्वतों में निर्भय रहनी ।  
साफ शुद्ध पर्वत देबो बसनाम,  
आज ताहो हमुँ कुहैं य जग बदनाम ।

**देश का रहन-सहन चाल-चलन तथा पापी**  
सड़िया गड़िया यूँता फल फूल खानी ।  
महिनोंक बासी साग यूँ लेकी बनानी,  
पिहुँणी बहुत गन्ध इनुं मिलूँ पानी ।  
कपड़ ले छानी बेर बर्प डारनी,  
बर्फ क पानी पीबैं फुन्सी उठनी ।  
खाजी कनै बेर फिर बे मौत मरनी,  
बर्फक पानी पीवे गव हुँछा मौट ।  
बदनता फूली जाँछ यूँ है जानी टौट,

बदन ले फिर हय वाँकी क्या रहय ।  
 मरनूँ मरनूँ कबै इनुरा पै क्य,  
 रात दिन यूँता फिर दवाई ले खानी ।  
 रोज अस्पताल में यूँ सुई लगवानी,  
 फिर ले बदन हय नी रई ताकत ।  
 दिमाक ले कम हय नी रही ल्याकत,  
 भतेरा बे भ्यार यूँता जथाँ हुँणी जानी ।  
 इनर चारों तरफ काल ले फिरनी,  
 यूँता जथाँ हुणी जानी मौत रेंछा ठाड़ी ।  
 कथें बे मोटर आनी कथें बती गाड़ी  
 कथें बे ट्रक आनी कथें बे सवारी ।  
 कथें बती रीक्स आनी कथें बती लौरी,  
 कथें बती बस आनी कथें बती छ्यला ।  
 साईकिलम बैठी आनी साईकिल वला,  
 कथें बत्ती ताँगा आनी कथें बती कारा ।  
 टैक्सी कथें बे आनी कथै सुकोटरा,  
 बिजुली ट्राम और कथें ले चलनी ।  
 हाथ गाड़ी बैल गाड़ी बहुत ले हनी,  
 मोटर साईकिल जानीं तेज ले बहुत ।  
 जरा ले रिपट जब यूँ मरा बे मौत,

झल्ली वला बौझ लीबे लागी रैनी बट  
 काख हो यूं नी लागन कनी हट हट  
 रिपट यूं जरा जब वे मौत मरनी  
 भ्यार जब यूं नी जना सार नी सरनी

### कवि—पर्वतों में धर्म

शुरू मजि जै बघत बच्च हुँछा पैदा  
 माता जी का गर्भ मजि रहुँछा। ऊ कैदा  
 हाथ जोड़ी बिनती ऊ ईश्वरे की कुँछा  
 निर्भय रहुँ कबे बर ले माँगुँछा  
 जो कुछ खुहुँणी द्यला पाचन करिया  
 तुमूँ मेरी देह कणी निर्दुखी धरिया  
 भक्ति जब दस माह गर्भ मजि कई  
 बालका कैं तीन बर तब दान देई  
 रुख सुख पची जारा जो कुछ ले खाणा  
 निर्भय बर और तन्दुरस्त रहणा  
 यूं लेकी जो तीन बर भूठ पड़ी जानी  
 हमर कर्तव्यों फल हमुँ पै लागनी  
 पुरण ग्रन्थों की य लेख सही हई  
 हम अनज्ञानी कणी समझे ऊ गई  
 इँ हैं तीन बात हिला शास्त्र मै लेखी  
 सतसील पर्वतों में यूं बात हो देखी

( ४८ )

तीन बात देखी बेर तब येस कय  
धर्म पहाड़ हय देश पापी हय  
शास्त्र गन्थों मजि जो लेख लेखनी  
सतशील पर्वतों में धर्म बतानी  
सब बात सही कबै देखी लिया आज  
मन में बिचारी बेर करि लिया जाँज  
महान व्यक्ति जन्मी पहाड़ा जतुका  
देश मजि नी जन्म कथैं हो एतुका  
महान व्यक्ति जन्मी देश में जो हया  
अस्त हणों लीजिया हो पहाड़ा में गया  
महसूर तीर्थ ब्रत पहाड़ा में हया  
निरवारिश मन्दिरों का शहर बसाया  
जो यूं बात म्यलै लेखी सब सही हया  
काम मजि लई लिया अमर है काया  
गन्थ बनुछा जब नाम मैं लेखनू,  
तब जैसी जरा जरा सारंस बतानूँ ।

### अकाल-सकाल

हम लोगों बुजरख कां जांछिया देश,  
आपण घरम रैंछी भल कैंछी ऐंस ।  
खेती की मेहनत पारी ऊँ लागी रहँछी,  
आपण इलाक मजि नाम बनै रैंछी ।

( ४६ )

खेती का ऊँ काम पारी लागी रहूँ छिया,  
खेतीक कामक तब ढंग ज्याएँ छिया ।  
कामक टायम पर काम ऊँ कंछिया,  
श्रलावा टायम मजि आराम कंछिया ।  
तब ले उनुर फिर भल दिन काट,  
आपणी घरम करी भली ठाट बाट ।  
दस साल बच्च आज देश नैह्या जाँछ,  
क्या काम खेतीक फिर ऊँ लेकी ज्याहूँछा ।  
नौकरी की धौंस देखी दान्त हया खटा,  
पचास सालम फिरी घर लागा वटा ।  
खेती मेहनत फिरी इंता क्या ज्यारनी,  
काम करणे उम्ररम यूँ देश रहनी ।  
खेती काम करणे फिरीं सार ले आनी,  
खेती मजि नी हूँ हूँ लख ख खवै कै दिनी ।  
फिर कनी पहाड़ा में पड़ी गो अकाला,  
य आपण कसूरा हो नीले देख क्येला ।  
दस साला बटी जब देश नैह्या जानी,  
राती बती व्याव तक काम उती कनी ।  
यस जब दिन भरी खेती काम कना,  
दस साला वै खेतिक यूँ काम पै लागना ।

तब कसी खेती मजि नी हुछिया अन्न,  
 खेती मेहनत जव मन लगे कन ।  
 मेहनत भार करणी नी धरनी खेती,  
 सही कबे देखि लिया आपण हो हेती ।  
 अन्न खूब पैदा हुन दस साल सकाव,  
 तब जै के नी विगान दी साल अकाव ।  
 खेती मेहनत भया यूँ अब नी कना,  
 तब अब खेती मजि कसी हुँचा अन्ना ।  
 देश बती छुट्टो आनी यूँ एक महीना,  
 एक साल मजि हल वाय चार दिना ।  
 पैन्ट काट पैजम यूँ बनाई ली जानी,  
 पापलेन लट्ठे की यूँ कमीज ली जानी ।  
 बुकसट पैन्ट पैली बाबू जी वननी,  
 इस्तिरी प्रेस दूटी काम कसी कनी ।  
 तुम सब भाई हुणी अरज करनूँ,  
 तुमर सेवक हय तब जै लेखनूँ ।  
 सूँट बूँट खूब पैलो भौत भली वात,  
 उठाओ खानदान नाम आपणी हो जात ।  
 पड़ोसियों दुख देखो आपण घरक;  
 ठाट बाट पारी ल्हौण कर्तव्य च्यड़क ।

( ५१ )

ठाट बाट तब हली मेहनत करला,  
खेती मेहनत मजि लागिया रहला ।  
बचपन वती भया बुढापा ले तक,  
एकनसी ठाट बाट रहली हो एक ।  
खेती बड़े चीज हई य दुनिया मजि,  
सारे य दुनियाँ करणी पाली हैंछा अजि ।  
नौकरी में चार दिन सूँट बूँट हया,  
आपण आपण घर फिर सब गया ।  
बुढापा में घर जानी पै क्या काम कनी,  
खेती काम करू हुणी ताकत नी रैनी ।  
ताकत नी रही जब पै हल बहानी,  
तब सारे पटवा में डन्यरा मारनी ।  
भिड़पग्यारनी चिगिना नी खनीना वैरा,  
जोवा लगणम फिर खाली कनी सैरा ।  
जोव लगे वेर फिरी डन्यरा छोपनी,  
दुनियाँ सरम करणी जोवा ले मिटानी ।  
इलै नी ज्यारन फिर सी धनावे तार,  
दुब मुथै हई जैछा खेतिमा बहार ।  
दुब मुथ ऐसी चीज अनाजे लीजिया,  
दुष्ट जस जंग हैछा लुहक लीजिया ।

( ५२ )

दुब मुथ जड़ भया बहुत फैलनी,  
बुढापा ताकत नी है कमिका खननी ।  
ताकत नी हई जव काम करी करी,  
हर काम कग मजि मरम मिटानी ।  
तब कसी अन्न छुद्धा कमिका सकाव,  
कसी हमु मुख मिलों के कटु अकाव ।  
काम करणे हीमत के आफी यु घटानी-  
अकाव अकाव कवै दिलम सोचनी ।  
अकावों के बिलकुल दिलम नी ल्याओ,  
ताकत लगे वै खेती मेहनत कओ ।  
मेहनत कला जब काफी हलौ अन्न,  
तब जै कवे नी निकालो अकाऊ बचन ।  
खेती मेहनत हई बहुत अपार,  
सारे य दुनियाँ हई खेती का अधार ।  
सच्च दिलल जनकले मेहनत के ज्यादा,  
चेली एक खेती में बै ओले कैदी पैदा ।  
सतशील धर्मवती चेली ऐसी हई,  
अत्याचारी रावण की नाश करी गई ।  
बलाज हो तक कैदी खेती में बै पैदा,  
मेहनत सिर्फ चैछा आपणी ले ज्यादा ।